

Segunda carta de San Pablo a los Corintios

Corinto cuto gånare Pablo ĩ papera cõare gaye

1 ¹Nati yu ñarã mua. Yu robo bajiroti Jesucristore tuorũnurã ña mua cuni. Yu ña Pablo adi papera muare cõagũ. Jesucristo ocare yu goti ucutoni ĩ cũru ña yu. Dios ĩ ãmojare ito bajiro yure cũquĩ Jesucristo. Mua Corinto cuto gãna Diore rũcũbuorã minijuasotia mua. Adi papera cõa yu muare. Mua Acaya sita gånare cuni Diore rũcũbuorã mua ñajare adi papera cõa yu. Mani yagu Timoteo rãca adi papera muare cõa yu. ²Muare yiari mani Jacu Dios, ito yicõri mani Uju Jesucristore cuni seni ĩsia yu. Muare ĩna queno yitoni ĩnare senia yu. Mua ya usiju queno mua wanũ quenatoni muare yiari ĩnare seni ĩsia yu.

Pablo ĩ tuoĩa bujatobitire gaye

³Mani Uju Jesucristo Jacure rũcũbuorũja manire. Mani Jacu ñari manire ti maigũ yiguĩji Dios. Ito bajiri mani tuoĩa bujatobitibe yirocu mani rãca ñatĩñagũ yiguĩji ĩ. Ito bajiro bajigu ĩ ñajare ĩre rũcũbuoa mani. ⁴Disejua ruyabeto mani bujatobitija ĩ tuoĩarisena mani rãca ñatĩñagũ yiguĩji Dios. Ito bajiroti manire yigu yiguĩji Dios, “Gãjerã ĩna tuoĩa bujatobitija ĩnare ejabuajaro”, yirocu. Mani tuoĩa bujatobitija manire Dios ĩ ejabuaro robo bajiro gãjerãre mani ejabuaja quena. ⁵Mani ye waja buto tuoĩa bujatobisiju Cristo. Manire cuni tuoĩa bujatobitiroca yirã yirãji masa. Ito bajibojarocati Cristo ĩ goda ĩsiana mani ñajare mani tuoĩa bujatobitija, ĩ tuoĩarisena mani rãca ñatĩñagũ yiguĩji Dios. ⁶“Jesucristore mua tuorũnuja, muare masogũ yiguĩji Dios”, yi masare yu riasojare buto yu tuoĩa bujatobitiroca yama gãjerã. Ito bajiro yure ĩna yibojarocati masare yu riaso jidicãbititoni yure ejabuami Dios. Ito bajiri tuoĩa bujatobitigorũ ñari mua tuoĩa bujatobitija muare ejabuã masigũja yu. “Yu ñemecũtiroca Dios ĩ yure yiado bajiroti mua ñemecũtiroca yigu yiguĩji Dios”, yi tuoĩa yu. ⁷“Diore queno tuorũnurã ñama Corinto cuto gãna”, yi tuoĩa yu muare. Yu tuoĩa bujatobitiado bajiroti tuoĩa bujatomena yirãji mua cuni. Ito

bajibojarocati, “Yure ï ejabuado bajiroti mware cuni ejabuagu yiguïji Dios”, yi tuoïa yu. “Diore jidicãmena yirãji ïna”, yi tuoïa yu mware.

⁸Tuoya yu ñarã mua. “Asia sitaju ñagũ jaje oca josarise gaye rãtañi Pablo”, mua yi tuoïare ãmoa yu. Ado bajiro bajicu. Itoju buto tuoïa bujatobiticu yu. “Nemecutiado ma yu”, yi tuoïacu yu. “Catigu yiguja yu”, yi tuoïare manicu yure. ⁹“Pablöre sïana mani”, ïna yire masicãcu yu. “Yure ïna sïaroti yumasiti camota masibea yu”, yi tuoïacu yu. Ito bajiro rãtacu yure, Diore riti yu tuorũnãtoni. “Dios ñami godarãre mucana tũdi catiroca yigu. Ito bajiri ï sigũti ñami yure maso masigũ”, yu yi masitoni, ito bajiro rãtacu yure. ¹⁰Yure ïna sïa ãmbojarocati yure queno ejabuacuï Dios. Ito bajiri yure sïa masibiticã ïna. “Ito bajiro riti yure ejabuasotigu yiguïji Dios”, yi tuoïa yu. Yu tuoïarise Diore riti ña yure. “Yure ejabuasotigu yiguïji Dios”, yi tuoïa yu. ¹¹Yure yiarì Diore seni ïsïña. Ito bajiro yure mua ejabuarẽ ãmoa yu. Ito bajiro mua yija queno yure ejabuagu yiguïji Dios. Mua jãjarã yure seni ïsirena suoriti yure ejabuagu yiguïji Dios. “Pablöre queno ejabuami Dios”, yi ti masicõri jãjarã masa, “Queno ya Dios mu”, yirã yirãji ïna ïre.

Corinto cutoju Pablo ï wabitire gaye

¹²Gaje gaye tuoïacõri wanua yu. Ado bajiro baja itì yu wanurise. “Dios ï ãmoro bajiro masare queno yicu yu”, yi tuoïacõri wanua yu. “Masare ruogu meje ña yu. Corinto cuto gãna rãca ñagũ ïnare queno Dios oca riasocu yu”, yi tuoïa yu. Yure queno yicõri, gãjerãre yu queno yi masiroca yinï Dios. Yu masirisena meje ito bajiro yicu yu. Dios ï masirisena ito bajiro yicu yu. ¹³Adi papera yu ucarise riojo gotia yu. Rũore ocana meje mware uca yu. Mua tuo masirotere uca yu. Ito bajiri queno mua tuo masi jeore ãmoa yu. ¹⁴Ado yu yirisere queno tuo masi jeobeã mua maji. “Ado bajiro bajigu ñami Pablo”, queno yi masi jeobeã mua maji. Yure mua queno masija, mani Uju Jesucristo ï tũdi ejari rumu, “Gũare queno riasocuï Pablo”, yi tuoïa wanurã yirã yirãji mua. Mware ito bajiroti wanugũ yiguja yu cuni. “Queno cudirã ñama ïna”, mware yi tuoïacõri queno wanugũ yiguja yu.

¹⁵“Yure wanurã yirãji”, yi tuoïacõri, “Juaji ïna tu tigu waruja yu”, yi tuoïa yu mware. Ito bajiri juaji yure ti wanurã yirãji mua. ¹⁶Ado bajiro tuoïacu yu: “Macedonia sitaju wacu, ïnare ti rãta wacuja yu. Mucana tũdi wadigu ïnare ti rãta wadicuja yu”, yi tuoïacu yu. “Ïna tu ejacõri, Judea wame cutiri sita yu ejatoni yure ejabuarã yirãji ïna”, yi tuoïacu yu mware. Ito bajiro tuoïabojaguti mua tu eja masibiticu yu. ¹⁷Mua tu yu eja masibejare, “Bũguti yami Pablo”, yure mua yire tuoã yu. Diore masimena ïna ruoro bajiro yibea yu. “Ito bajiro yigu ya yu”, yibojaguti gajero bajiro yigu meje ña yu. “Ado bajiro yicuja yu”, yu yija ñaro bajiroti yiguja yu itire. ¹⁸Mani Jacu Dios riojo gotigu ñami. Yu cuni riojo gotigu ña. “Ado bajiro yicuja”, yu yija, gajero bajiro yibea yu. “Ito bajiro bajigu ñami”, yi tuoïaguïji Dios yure. ¹⁹Jesucristo Dios Macure cudigu ñari ito bajiro ya yu. Yu Pablo, Silvano cuni, Timoteo cuni, Jesucristo gayere mware goticu gũ. “Ado

bajiro yicuja yu”, Cristo i yija, ito bajiroti yiyiju. Riojo gotisotiyiju i. ²⁰“Ado bajiro queno masare yicuja yu”, Dios i yire, i Macu Jesucristona suoriti rētayiju iti. Itire masicōri, “I yiro bajiroti yisotigu yiguuji Dios”, yi wanua mani. Ito bajiro mani tuoñaja, Diore rūcubwora ya mani. ²¹Jesucristore mani tuorūnu jidicābeto yigu ñami Dios. I ñarā mani ñaroca yami Dios. Jesucristo oca mani gājerāre gotitoni manire cūni Dios. ²²“Dios ñarā ñama ña”, gājerā ña manire yi ti masiroca ñare yigu ñami Dios. Mani ya usiju Espíritu Santo queo sañi Dios. Ito bajiro i yija, “I ñarā ña mani”, yi tuoña mani ija. “Masare queno yicuja yu”, i yiado bajiroti manire queno yigu yiguuji Dios”, yi tuoña mani.

²³“Yu tiro riojo ña bojobe yirocu ña tu wabতিরূja yure”, yi tuoñacōri mua tu wabiticu yu maji. “Diore queno cudibea mua”, yi āmobicu yu. Ito bajiri muare tigu wabiticu yu maji. Riojo muare yu gotibeja cūni, “Tuoña bujatobitijaro i”, Dios i yija cūni quena ñaboroja yure. ²⁴“Ado bajiro Diore rūcubwore ña iti”, muare yi roti āmobeja yu. “Diore queno tuorūnurā ñama ña”, yi tuoña yu muare. Mua bojori bujaroca yi āmobeja yu. Buto busa wanu quenajaro ña, yirocu muare riasoa yu.

2 ¹Itire tuoñagū, “Ña bojori bujabe yirocu ña tu tigu wabeja yu”, yi tuoñacu yu. ²Mua bojori bujaroca yu yija, mua sigūjuama yu wanuroca yigu maniboguiji. Mua ña yu queno wanu quenaroca yirā. Ito bajiri mua bojori bujaroca yi āmobeja yu. ³Mua bojori bujabe yirocu mua tu wabiticu yu. Papera riti muare cōacu yu maji. Mua tu yu ejaroto riojua oca queno āmogū, “Ado bajiro mua yire āmoa yu”, yi papera cōacu yu muare. Mua tu ejacōri mua bojori bujare ti āmobeja yu. Mua tu ejacōri mua wanure ti āmoa yu. “Yu wanuja ticōri, wanurā yirāji ña cūni”, yi tuoña yu. Ito bajiri mua tu yu waroto riojua oca quenogū muare papera cōacu yu. ⁴Iti rumu iti muare papera cōagū buto tuoñacu yu. Yu ya usiju bojori bujacōri, buto oticu yu. Mua bojori bujajaro, yirocu meje iti muare papera cōacu yu. “Manire ti mai ñaño Pablo”, mua yi masitoni muare papera cōacu yu iti rumu.

Ñeñaro yire ācabojoya, Pablo i yire gaye

⁵Mua wato gagu ñeñaro i yire tuoñacōri bojori bujacu yu. Yu sigū meje bojori bujacu. I ñeñaro yire ticōri bojori bujana mua cūni. Buto busa i bujatobitiroca mua yire āmobeja yu. ⁶Minijuacōri i ñeñaro yire waja i tuo bujatobitiroca yiyija mua. Ito bajiro yicōri ire bucōayija mua. Itocōti i bujatobitiroca mua yire āmoa yu. ⁷Ito bajiri adocāta i ñeñaro yirisere mua ācabojore āmoa yu. “Mu ñeñaro yirise mure ācabojoa gua. Mucana gua rāca mu ñare āmoa gua ija”, ire yi mua baba cutire āmoa yu. Ito bajiro mua yibeja, yoari bojori bujacōri Cristore sūya jidicāgū yiguuji gajeja. ⁸Ito bajiri mucana ire mua ti maire āmoa yu. “Gua rāca mu ñare āmoa gua”, yi ire mua baba cutire āmoa yu ija. ⁹Iti rumuju iti gaye muare papera cōacu yu. “Yu rotirise ña cudi jeoja ticuja yu”, yi tuoñacōri papera cōacu yu muare. ¹⁰I ñeñaro yirise mua ācabojoya, yu cūni ire ito bajiroti ācabojogu yicuja yu. Iti rumu i yure ñeñaro yibojarocati, ito bajiro yicuja yu, sigūre bajiro mua tuoña wanutoni.

Ito bajiro ya yu Cristo i tiro riojo. ¹¹ “Sĩgũre bajiro mani tuoĩabitiroca yi ãmoami rĩmũa uju Satanás manire”, yi tuoĩa mani. Ito bajiri sũgũre bajiro tuoĩacõri mani gãmeri ãcabojoja quena. Ito bajiro mani yija, manire rētocũ masibiquĩji Satanás.

Troas cuto ejacõri Pablo i bujatobitire gaye

¹² Gaje gaye mũare goti ãmoa yu. Ado bajiro bajaia iti. Troas wame cutiri cuto ejacõri queno Cristo oca masare riasocu yu. “Guare gotibesa”, yibiticã masa. Queno yũre boca ãmicã ãna. Ito bajiri Jesucristo i ejabuarisena suoriti masare queno riaso masicu yu. ¹³ Masare queno riasobojaguti yu ya usiju bũto tuoĩacu yu. Mani yagu Titore ti bujabiticõri yu ya usiju bũto tuoĩacu yu. Ito bajiri Titore ãmarocu ãnare ware goticõri Macedonia sitaju wacu yu.

Cristore mani tuorũnuja rētocũrã mani ñaroca Dios i yire gaye

¹⁴ Jesucristore tuorũnucõri yu ñeñaro yirisere rētocũ masia yu. Ito bajiro yu baji ñaroca Jesucristo rãca yu baba cuti wanuroca yĩni Dios. Ito bajiro Dios i yijare, “Queno ya Dios mũ”, ya yu ãre. Adi rãmuri no yu riaso ucuriyuti, Jesure masa ãna tuorũnuroca yami Dios. Suti quenarise iti suti bataro bajiro coju ruyabeto Dios oca bata ejaro ya. ¹⁵ “Masa ãna ñeñaro yirise waja goda ãsigũ yami yu Macu”, yi ticõri wanuyiju Dios. Jesucristo oca masare mani riasoja ticõri, manire wanugũ yiguĩji Dios. Coji ruyabeto masare mani Dios oca riasoja, masa jeyaro i oca masirã yirãji. Jeame ujuroju warona cuni, jeame ujuroju ãna wabore ñaroca Dios i masoana cuni i oca masirã yirãji ija. Masare Dios oca mani riasoja queno sutiro bajiro bajaia ãre. Ito bajiro masare mani gotija ticõri, wanugũ yiguĩji Dios. ¹⁶ Jeame ujuroju waronare Dios oca yu riasoja, ãnirise queno suti quenabiti robo bajaia ãnare. Jeame ujuroju ãna wabore ñaroca Dios i masoana i oca yu riasoja, ãnareama queno suti quenaro robo bajiro bajaia. “Dios ocare yu tuorũnuja catitĩnagũ yiguja yu”, yi tuoĩama ãnama. Yũre Dios i ejabuabeyama i oca gotiado ma yu. ¹⁷ Niyeru bujarona riti masare Dios oca riasorã jãjarã ñama ãna. Dios oca ñasarise meje riasoama ãnaõna. Riojo meje riasoama ãna. ãna ãmoro bajiroti riasobojama. ãnare bajiro meje riasoa yuama. Dios i tiro riojo queno tuoĩacõri masare riasoa yu. Cristo oca yu riasotoni Dios i cũru ña yu. I oca queno masare riasoa yu. “Queno masare riasoami Pablo”, yi tiguĩji Dios yũre.

Ado bajiro bajaia mame oca, Pablo i yire gaye

3 ¹ Yũre queno busijaro, yirocu meje iti gotia yu mũare. “Ãni ñami queno Dios oca riaso masigũ”, yi gãji i papera ucaja, “Guare iogũ yiguĩji Pablo”, ¿yire masiati mũa? Yũre masicã mũa. Ito bajiri mũare ioado ma yu. Gãjerã ãre boca ãmitoni, “Ãni ñami queno Dios oca riaso masigũ”, manire yi uca rotigu yiguĩji Pablo”, ¿yire masiati mũa? “Queno Dios oca riaso masiami”, yi masicãrãji masa yũre. ² Ado bajiro bajaia: Mũa

ñeñaro yirisere jidicãcõri gaje mũa wasoaja ticõri, “Dios oca ñnare queno riasoñi Pablo”, yi tuoĩarã yirãji masa jeyaro. “Pablo ñ riasore tuorũnucõri gaje wasoañi ñna”, yi ti masirã yirãji masa mũare. ³Mũa tu gãna masa, “Ito bajiro bajirã ñnama ñna”, yi ti masirã yirãji ñna mũare. “Pablo ñ riasore tuorũnucõri gaje tuoĩare wasoañi ñna”, yi masa ñna tire ãmoguĩji Cristo. Ito bajiro ñna yi masitoni papera cõabisĩ Cristo ñnare. Gũta jãina ucacõri cuni ñnare cõabisĩ ñ. Ado bajirojũa bajia: Mũa ya usijũ Espĩritu Santo queo sãñi Dios catitĩñagũ. Ito yicõri gaje tuoĩare wasoañi Dios mũare. Ito bajiro yiñi Dios, “Cristo ñnarã ñnama ñna”, yi masa ñna mũare ti masitoni.

⁴Masare Dios oca yũ riasoja, Jesucristo ñ ejabũarisena ito bajiro riasoa yũ. Ito bajiri, “Masare queno riasoa yũ”, yi tuoĩa yũ Dios ñ tiro riojo. ⁵Ito bajiro yibojaguti, “Yũrio yũ masirise masare riasocu yũ”, yibeã yũ. Ado robojũa bajia: Dios ñ ejabũarisena riti masare queno riaso masicũ yũ. ⁶Dios ñnami ñ ye yũ tuo masiroca yigũ. Ito bajiri Dios oca ñ mame wasoare goti rẽtobu masia yũ. “No yũ rotirisere cudi jeobicuti ñ godaja jeame ãjũroju wacũ yiguĩji”, yi gotia bũcũ oca. Mame oca ñ wasoare bũcũ oca ucare bajiro meje bajia. Mame oca ñ wasoareama ado bajiro bajia: “No Espĩritu Santore boca ãmirã yũre cudi masirã yirãji ñna”, yi gotia Dios oca mame ñ wasoare. “Espĩritu Santona sũoriti catitĩñarã yirãji ñna”, yi gotia Dios oca.

⁷Jane mejeju ñ rotirise jidicãyijũ Dios Moisės ñayorũre. ñ rotirise gũta jãirijũ ucare ñayijũ. Iti ñ ñsiri rãmũ buto guijorise rãca ejayijũ. Ado bajiro bajiyijũ iti: Dios rotirise boca ãmicõri Moisės ya rio buto yoyijũ. Buto ñ ya rio iti yojare ñ ya rio ti masia mano bajiyijũ Israel sita gãnare. ñ ya rio buto yobojaguti yoari mejeti mũcana yo jidicãsũoyijũ. Dios rotirisere cudi jeo masibiticõri bojori bũjayijarã ñna. “Goda warã ya mani”, yire masiyijarã ñna. ⁸Espĩritu Santo quedi sãja ecoana mani ñajare ñeñaro mani yirisere ãcabojorũ Dios. Ito bajiri, “Bũcũ oca rẽto busaro ñnasarise ñna mame oca Dios ñ wasoare”, yi tuoĩa mani. ⁹Buto guijorise rãca bũcũ oca iti ejabojarocati iti oca queno cudi jeo masibisijarã masa. Itire cudi jeo masibiticõri, “Godarã ya mani”, yiyijarã ñna. Bũcũ oca rẽto busaro ñnasarise ñna mame oca Dios ñ wasoare. Mame oca ñ wasoarena ado bajiro gotiami Dios: “No Espĩritu Santo quedi sãja ecogu ñe seti macũ ñnami ñ”, yi gotiami Dios ñ ocana. ¹⁰Jane mejeju Moisės ñayorũ ñ rotirise buto rũcũbuoyijarã masa. Buto iti rũcũbuore ñabojarocati, rẽtoro rũcũbuore ñna mame oca Dios ñ wasoare. Moisės ñayorũ ñ rotigore jedi wayijũ ñja. Ito bajiri mame oca Dios ñ wasoare ñna buto mani rũcũbuoroti. ¹¹Moisės ñayorũ ñ rotirise buto rũcũbuore ñabojaroti yoari sejabisijũ. Mame oca Dios ñ wasoareama jedibeto yiroja. Ñatĩñaro yiroja. Mame oca Dios ñ wasoare mani tuorũnũja, catitĩñarã yirãji mani. Ito bajiri bũcũ oca rẽtoro ñnasarise ñna mame oca Dios ñ wasoare.

¹²“Buto ñnasarise ñna Dios oca”, yi tuoĩa yũ. Ito bajiri guigũ meje Dios oca masare buto riasoa yũ. ¹³Moisės ñayorũ bajiro meje bajia yũ. Dios rãca ñ bũsija bero ñ ya rio sayana camotayijũ Moisės ñayorũ. ñ ya rio yorise

iti jedi waja tibe yirocɔ camotayijɔ Moisés ñayorɔ. ¹⁴Jane mejeɔ cɔni Dios oca tɔorɔnɔ ɔmɔbisijarɔ judio masa. Ito bajiri ɔ oca tibojarɔti tɔo masibisijarɔ. Adi rɔmɔri cɔni ito bajiroti bajicɔama ɔna. Moisés ñayorɔ ɔ ucare ɔna tibojaja cɔni tɔo masibeama ɔna. Cristore tɔorɔnɔrɔ riti Dios oca ticɔri ti masiama ɔna. ¹⁵Ito bajiri Cristore tɔorɔnɔbiticɔri Dios ocare tɔo masibeama judio masa. Ito yicɔri Moisés ñayorɔ ɔ ucare riasotibojarɔti itire tɔo masibeama ɔna maji. ¹⁶No mani ɔɔɔ Jesucristore boca ɔmigɔti, Dios ocare tɔo masigɔ yiguiji. ¹⁷Jesucristo mani ɔɔɔ, ito yicɔri Espiritu Santo cɔni coro bajiroti bajirɔ ñama ɔna. Ito bajiri Espiritu Santo queda sɔja ecoana ñari, “Jesucristore mani tɔorɔnɔja, catitiñarɔ yirɔji”, yi tɔoia mani. “Moisés ñayorɔ ɔ rotirise yɔ cɔdija, yɔre masogɔ yiguiji Dios”, yi tɔoia bea mani. ¹⁸Jesucristore tɔorɔnɔrɔ ñari, “Iti ñami rɔtoro quenagɔ”, yi tɔo masia mani. Itire tɔo masicɔri ɔre riti tɔoia mani. Ito bajiro ɔre tɔoiasoticɔri co rɔmɔ rɔyabeto bɔto busa ɔre bajiro baji wajɔ mani. Espiritu Santo queda sɔja ecoana ñari Jesucristo bajiro mani baji waroca yami.

4 ¹Yɔre ti maicɔri ɔ oca masare yɔ riasotoni yɔre cɔni Dios. Ito bajiro yɔre ɔ yija, oca sɔoa yɔ. Ito bajiri ɔ oca riaso jidicɔbea yɔ. ²“Rɔore ocana meje masare Dios oca ñasarise riasocɔja yɔ”, yicɔcɔ yɔ. Yɔmasi yɔ tɔoia rujeore meje riasoa yɔ. Dios oca iti riasoro bajiroti riasoa yɔ masare. Dios ɔ tiro riojo ñasarise riti riasoa yɔ masare. Ito bajiri, “Riojo ñasarise masare riasoami Pablo”, yi masi jedirɔji masa yɔre. ³Jɔjarɔ ñama Cristo oca yɔ riasoja, tɔo masimena. ɔ oca ɔna tɔo ɔmɔbejare, ɔna tɔo masiroca yibeami ɔ. Ito bajiri ɔ oca tɔorɔnɔbiticɔri jeame ɔjuroju warona ñama ɔna. ⁴Cristore ɔna tɔorɔnɔbeja, ɔna tɔoia wisaroca yami Satanás wame cɔtigɔ. ɔ ñami adi macɔrcɔro ñeñarɔ yirɔ ɔɔɔ. Cristo rɔcɔbɔorɔ ɔ oca quenarisere ɔna tɔorɔnɔre ɔmɔbeami Satanás. Dioti ñami Cristo. Ito bajiri ɔ ocare ɔna tɔo masime yirocɔ ɔna tɔoia wisaroca yiɔni Satanás. ⁵Masare yɔ riasoja, yɔmasi gaye meje riasoa yɔ. “Jesucristo ñami mani ɔɔɔ”, yire oca riasoa yɔ masare. Cristore tɔo maicɔri ɔre moa ɔsigɔ ña yɔ. ɔre cɔdicɔri ɔ oca mɔare riasoa yɔ, quenarise mɔare ejatoni. ⁶Adi macɔrcɔro rujeo wacɔ, “Rɔitɔarɔju busuya”, yigorɔ ñami Dios. Iti ñami ɔ ocare mani ya usiju tɔo masiroca yigɔ. Ito bajiri, “Rɔcɔbɔorɔ ñami Cristo”, yi tɔoia mani. Cristore ti masicɔri, “ɔ robo bajiro rɔcɔbɔorɔ ñami Dios”, yi tɔoia mani.

Cristore tɔorɔnɔcɔri queno ñare gaye

⁷Gɔa ɔ cɔana ñasarɔ meje ña. ɔ ocaɔa ña rɔtoro ñasarise. Yɔ masirisena meje masare ɔ oca riasoa yɔ. Bɔto tɔoia masigɔ meje ña yɔ. Ito bajiri yɔ riasoja tɔocɔri, “Dios ɔ masirisena queno riasoami Pablo”, yi ti masiama masa yɔre. ⁸Masare Dios oca yɔ riasoja, coji meje tɔoia bɔjatobiticɔ yɔ. Ito bajiro tɔoia bɔjatobitibojaguti Dios ocare riaso jidicɔbea yɔ. “¿Diseɔa yisagu yigujada yɔ?” yi tɔoiare jaia yɔ cojire. Ito bajibojaguti bojori bɔjabea yɔ. ⁹Jɔjarɔ yɔre ti tudirɔ ñabojarocati Dioama yɔre jidicɔbeami. Coji meje yɔre ñeñarɔ yicɔ masa. Ito yicɔri yɔre jacajɔ

tumecãcõacã masa. Ito bajiro yũre ñna yibojarocati mũcana tũdi wũmũ rũgũcõri masare Dios oca riaso ucucu yũ. ¹⁰No yũ wa ucuroju ñnama masa coriarã yũre sĩa ãmorã. Jesure ñna sĩado bajiroti yũre cũni sĩa ãmoama masa. Yũre ñna sĩame yirocu tirũnusotiami Jesús yũre. Yũre ñ tirũnuja ticõri, “Catigu ñami Jesús. Ñ ñarãre queno tirũnuami”, yi tũoĩama masa. ¹¹⁻¹²Jesús oca yũ riasojare, coriarã masa sĩa ãmosotiana yũre. Yũre ñna sĩa ãmobjarocati Jesuama yũre tirũnuami. “Catigu ñami Jesús. Ito bajiri ñ ñarãre tirũnuami ñ”, yi mũare yũ riasojare, yũre sĩarona cũniama masa. Ito bajiro ñna yibojarocati Dios oca riaso jidicãbea yũ. Jesure tũorũnũcõri, mũa catitũñare ãmogũ mũare riasoa yũ.

¹³Dios oca tutijũ ado bajiro gotiami sũgũ: “Diore tũorũnũa yũ. Ito bajiri ñ oca masare gotia yũ”, yi gotiami sũgũ Dios oca tutijũ. Ito bajiro tũoĩa yũ cũni. Diore tũorũnũcõri ñ oca riaso jidicãbea yũ. ¹⁴Yũre masa ñna sĩa ãmoja gũibe a yũ. Mani Uju Jesucristo ñ godabojarocati mũcana tũdi ñ catiroca yĩñi Dios. Ito bajiri Jesús yagũ ñari, “Yũ tũdi catiroca yigu yiguĩji Dios”, yi tũoĩa yũ. “Mũa rãca cocati ñ ñaroju ãmacũju manire ãmi wacu yiguĩji Dios”, yi tũoĩa yũ. ¹⁵Quenarise gaye mũa boca ãmitoni ito bajiro jeyaro rãtacu yũre. Jãjarã Jesucristore tũorũnũjaro, yirocu ñ oca riasoa yũ. “Manire ti maicõri manire queno yami Dios”, yi warã yirãji masa jãjarã bũsa. “Mũ ña rãtoro rũcũbuoru”, yi rũcũbuo warã yirãji masa jãjarã bũsa Diore.

¹⁶Itire masicõri oca sãoa yũ. Jesús oca riaso jidicãbea yũ. Yũ ya ruju bucua jedi wabojarocati yũ ya usijuama oca são ña yũ. Co rũmũ ruyabeto yũ oca sãoroca yami Dios. ¹⁷Adi sita ñagũ yũ bũjatobitire ñabojarocati yoari mejeti tũoĩa wanũ quenagũ yigũja yũ. Yũ tũoĩa bũjatobitire ñaja yũre queno yigu yiguĩji Dios. Ñ rãca yũ catitũñaroca yũre queno yisotigu yiguĩji Dios. Masare riasogu yũ tũoĩa bũjatobitire waja yũre queno yigu yiguĩji Dios. ¹⁸Ito bajiri yũ tũoĩa bũjatobitire itire bũto tũoĩa yibe a yũ. ãmacũju Dios queno ñ yirotiyuare bũto tũoĩa yũ. Mani ya ruju ñatũñaroti meje ña. Ito bajibojarocati mani ya usijuama ñatũñaroti ña. Ito bajiri ãmacũju Dios queno ñ yirotiyuare bũto tũoĩa yũ.

5 ¹“Ado mani reco ñari ruju godaroca gaje mama ruju wasoagu yiguĩji Dios”, yi tũoĩa yũ. Ñ masirisena mama ruju wasoagu yiguĩji manire. Mama ruju manire ñ wasoaja, tũdi godabiti ruju ñaro yiroja iti ruju. Ito bajiri catitũñarã yirãji mani, manire ñ queno yurajũju. ²Adi sita ñarã bũto Dios tũ ware tũoĩa mani. “Mama ruju Dios ñ wasoara rujuña ña ãmoa yũ”, yi tũoĩa yua mani adi sita ñarã. ³Co rũmũ Dios tũ ejacõri mama rujuña ñarã yirãji mani. Ito bajiri, “Yũ ya usi mama ruju ña yũre”, yirã yirãji mani Dios tũ ejacõri. ⁴Adi sita ruju cũti ñarã tũoĩa oca jaia mani. Ito yicõri tũoĩa bũjatobea mani. Goda ãmobitibojarãti ãmacũju ñari rujuere ãmoa mani. Dios ñ ñaro godaya manojũ ña ãmoa mani. ⁵Queno tũoĩacõri manire queno rujeoni Dios. Gaje ruju wasoarã mani ñnaton manire rujeoni ñ. Espiritu Santo queo sãñi Dios mani ya usiju. Ito bajiro ñ yijare, “Jeyaro Dios ñ gotire ito bajiro riti rãtaru yiroja”, yi tũoĩa mani.

⁶Itire masicõri oca sãosotia yũ. Adi sita ruju, ruju cutigu ñari mani Uju Jesucristo tũ wa masibe a yũ maji. Ito bajiri ija rãtaroti gayere tũoĩa

yugũ wanũa yũ. ⁷Ija rētaroti gaye tibitibojaguti, Cristore tuorũnũcōri, “Ito bajiro rētaro yiroja”, yi tuoĩa yũ. ⁸Ito bajiro tuoĩagũ ñari oca sēoa yũ. Yũ godarotire güibebea yũ. Yũ godaroti gaye tuoĩagũ wanũa yũ. Mani Uju Jesucristo tujua ñagũ wa ãmoa. ⁹Adi sita yũ ñaja cuni, ũmacũju yũ ñaja cuni Dios ĩ ti wanũrise riti yi ãmoa yũ. Disejua gaje ñasarise ma yũreama. Dios ĩ ti wanũrise riti yi ãmoa yũ. ¹⁰Ado bajirojua baja: Co rũmũ rotira cumuro Cristo ĩ rujiro riojo masa jeyaro rũgōrã yirãji ĩ riojo. Iti rũmũ mani ñeñaro yigore, mani quenaro yigore cuni manire waja yigũ yiguĩji Cristo. Ito bajiro yicōri manire besegũ yiguĩji Cristo.

Cristona suoriti oca ma manire, yire gaye

¹¹Itire masicōri ĩre güi rũcũbuoa yũ. Ito bajiri Cristore masa ĩna tuorũnũre ãmogũ ĩnare gotisotia yũ. “Yũre rũcũbuocōri queno masare riasoami Pablo”, yi masiguĩji Dios yũre. Mũa cuni ito bajiro mũa yi masire ãmoa yũ. ¹²Iti mũare yũ gotija, yũre ti wanũre ãmogũ meje ya yũ itire. Ado bajirojua baja: Yũre bũsiturãre mũa cudi masitoni, yũ yigore mũare queno goti rētobua yũ. Yũre oca menirã ĩna ñama, “Gãjerã rētoro ñasarã ña gũa”, yibojarãti quenarise tuoĩamena. “Ñasarise masare oca riasoñi Pablo”, yũre mũa yire ãmoa yũ. ¹³“Queno tuo masibicũ ñami Pablo”, masa ĩna yũre yibojaja cuni, no yibebea yũre. Diore rũcũbuojaro ĩna, yirocũ masare riasoa yũ. “Bũto masigũ ñami Pablo”, masa ĩna yũre yibojaja cuni, no yibebea yũre. Mũa queno ñatoni mũare Dios oca riasoa yũ. ¹⁴“Yũre maiami Cristo”, yicōri ĩre cudi ãmoa mani. Manire bũto ti maiami Cristo. Ito bajiri mani ñeñaro yirise waja, waja yi ĩsigũ godaĩni ĩ. Mani ñeñaro yirise waja tuoĩa bujatobisi Cristo. Ito bajiri mani ãmorise yirãona Cristo ĩ ãmorisejuare yirũja manire. ¹⁵Yũre cudijaro ĩna, yirocũ manire goda ĩsiĩni Cristo. Ito bajiri adi rũmũri cuni Cristo ĩ ãmoro bajiroti yi ñasotia mani. ĩti ñami godabojaguti mũcana tũdi catirũ. Manire yiari ito bajiro yiĩni ĩ. ¹⁶Gãjire tibojarãti, “Ito bajiro tuoĩami ĩ ya usiju”, yi masibebea mani. Ito bajiri Diore masimena gãjerã ñeñaro ĩna tuoĩaro bajiro tuoĩabebea maniamã. Cristore yũ masiroto riojua, “Yũ roboti adi sita gagũ ñaguĩji ĩ cuni”, yi tuoĩabojacu yũ. ĩre masicōri gajero bajiro tuoĩa yũ ĩja Cristore. ¹⁷No Cristore tuorũnũgũti ĩ ñeñaro tuoĩarise jidicãcōri gaje tuoĩare wasoagũ yiguĩji. ĩ ñeñaro yirisere jidicãcōri mũcana itire yi ãmobiquĩji ĩ. Gaje ĩ tuoĩarise wasoacōri quenarise riti yi ãmogũji ĩja.

¹⁸Dios ñami mani tuoĩarise wasoagũ. Iti rũmũju ĩ wajana ñabojarocati Jesucristo ĩ goda ĩsirena suoriti ĩ ñarã mani ñaroca yiĩni Dios. “Dios rãca oca quenocōri ĩ rãca baba cũtiya mũa”, masare mani yitoni manire cũni Dios. ¹⁹Ado bajiro baja: Jesucristo ĩ goda ĩsirena suoriti mani ye waja oca quenoñi Dios. ĩ ñarã mani ñaroca yiĩni ĩ. Mani ñeñaro yirise ãcabojacōri, “Ñe seti mana ñama ĩna ĩja”, yiyiju Dios. “Oca quenoñi Dios”, yũ yitoni yũre cũni ĩ. ²⁰Mũare yũ goti rētoburisena suoriti mũare bũsiami Dios. Cristo oca goti ĩsiri masũti ña yũ. Cristore goti ĩsiri masũ ñari, ado bajiro mũare josa yũ:

“Dios rãca oca quenoña mua”, yi josa yu muare. ²¹Cojireama ñeñaro yĩabicu ñami Cristo. Cojireama ñeñaro yĩabicu ñari i sigũti mani ñeñaro yirise waja, waja yi masigũ ñami. Ito bajiro bajigu i ñajare manire goda isi rotiñi Dios. Ito bajiri Cristore mani tuorũnũja, “Ñe seti mama ña”, yi tiami Dios manire.

6 ¹Diore moa isigũ ñari ado bajiro goti josa yu: Muare ti maicõri muare maso amoami Dios. Muare i maso amoja reõbesa. “Yure masoña”, mua yijaro yirocu ito bajiro muare goti josa yu. ²I oca tutiju ado bajiro gotiami Dios: Muare yu maso amori rumu yure mua senija, cudicuja yu. Ito bajiri yure mua senija, muare masocuja yu. Ito yicõri muare ejabuacuja, yi gotiami Dios i oca tutiju.

Tuoya yu ñarã mua. Adocãta ña muare Dios i maso amori rumu. Ito bajiri mua ire senija, muare masogũ yiguĩi i.

³Quenarise riti yĩasotia yu. Dios oca riasogu ñabojaguti ñenarise yu yija, yure tuorũnumena yirãji masa. Ito bajiri ñenarise yu amobiticõri quenarise riti yĩasotia yu. ⁴Ado bajirojua ya yu. “Diore queno moa isigũ ñami Pablo”, yure masa yijaro yirocu quenarise riti yĩasotia yu. Ito bajiri tuoia bujatobitibojaguti ñemecutia yu. Yure masa ña ñeñaro yi codebojarocati ñemecutia yu. Diore tuorũnucõri i ocare jidicãbea yu. ⁵Coji meje yure bajecã ña. Coji meje yure tubia, yure tudi yicã ña. Bogabojaguti ito bajiroti moa ñacõa yu maji. Cojireama ñami canibicuti, busuasoticu yu. Ito yicõri coji meje ñiocõsoticu yu. ⁶Yu queno yirise ticõri, “Diore queno moa isigũ ñami Pablo”, yirãji masa yure. Quenarise tuoigũ ñari ñeñaro yibea yu. Dios ocare riasoticõri ñasarise masia yu. Masa ña yure ñeñaro yibojarocati tudibea yu ñare. Masare usirioro yigu meje ña yu. Gãjerãre ejabu yu. Espiritu Santo queda sãjacõri yure ejabũami i, Diore yu cudi masitoni. Gãjerãre buto maia yu. ⁷Oca ñasarise riasogu ña yu. Quenarise yu yija, Dios i ejabuarisena ya yu itire. Jesucristore tuorũnucõri quenarise riti yĩasotia yu. Yu ñeñaro yijaro yirocu rãmú i yibojarocati yu ñeñaro yiroca yi masibeami i. ⁸Coriarã ñama yure rucubuarã. Gãjerãma rucubuarã. Yure queno busirã ñama coriarã. Gãjerãma yure busiturã ñama. “Socari masu ñami Pablo”, masa ña yure yitubojarocati, oca ñasarise riti riasoa yu. ⁹“Ñimũ ñaguĩjida Pablo? Ire masibea gua”, yama coriarã. “Ñasagu ñami Pablo. Ire masia gua”, yirã ñama gãjerã. Coji meje yure masa ña sãboroca, catia yu maji. Jãjarã yure ñeñaro ña yi codebojarocati, Dios yure i ejabuarisena catia yu maji. ¹⁰Cojireama buto bojori buja yu. Ito bajibojarocati Jesucristore yu tuorũnũjama wanusotia yu. Bojoro bujagu ña yu. Ito bajibojarocati masare Dios oca yu riasoja, ña queno ñaroca ya yu. “Ñe macuti ñami Pablo”, yama gãjerã yure. Ito bajibojarocati yu wanu quenaroca yami Dios yure. Ititi ña yu amõrise. Ito bajiri disejua gaje yu amõrise ruyabea yure.

¹¹Corinto cuto gãna tuoya yu ñarã mua. Yu ya usiju yu tuoiarise goti jeoa yu muare. Muare buto tuo maia yu. ¹²Muare yu buto tuo maibojarocati muajua yure tuo maimenaji. Sigũ robo bajiro mani baba cutibeja yure seti ma. Muajua yure tuo maimenaji. Yuama buto mua baba

ña ãmoboja. ¹³Jacu ĩ rĩare maigũ busiado bajiro muare busia yu. Muare yu tuo mairo bajiroti yure tuo maiña mua cuni.

Mani ya usiju Dios ĩ ñajare ĩ ya wi robo bajirã ña mani, yire gaye

¹⁴Cristore tuorũnumena rãca baba cutibesa mua. Diore tuorũnurã bajiro meje tuoĩama Diore masimena. Sīgũre bajiro tuoĩarã meje ñama ĩna. Quenaro yirã, ñeñaro yirã ĩna tuoĩaro bajiro meje tuoĩama ĩna. Busurise robo bajirise meje ña rãĩtiarise. Iti bajiroti Diore tuorũnurã cuni Diore tuorũnumena bajiro tuoĩarã meje ñama ĩna. ¹⁵Cristo, Satanás rãca coro bajiro tuoĩarã meje ñama. Ito bajiro bajiamu Cristore tuorũnurã. ĩre tuorũnumena rãca coro bajiro tuoĩabeama ĩna. Ito bajiri coro bajiro tuoĩabiticõri gãmeri baba cuti masimenaji ĩna. ¹⁶Dios catitĩnagũ ya wi ejacõri ĩre riti rũcubhorã yirãji. Ito bajiri masa ĩna meni rujeoanare mani rũcubhoja quenabetoja. Masa ĩna meni rujeoanare Dios ya wiju mani ãmi sãjaja bũto quenabetoja. Ito bajiroti Diore tuorũnumena rãca mani baba cutija quenabetoja. Mani ya usiju Dios ĩ ñajare ĩ ya wi bajiro baja mani. Ito bajiroti gotiami Dios ĩ oca tutijũ. Ado bajiro gotia iti:

Yu ñarã ya usiju ñasotigũ yigũja yu. No ĩna ñariju ĩna ñaja, ĩna rãca ñagũ yigũja yu. ĩna rũcubhogũ ñagũ yigũja yu. Yu ñarã ñarã yirãji ĩna, yi gotiami Dios ĩ oca tutijũ.

¹⁷Gaje ado bajiro gotiami mani Uju:

Ñeñaro yirãre baba cutibesa. ĩna tu ñabojarãti sõ busa ñacõaña. ĩna ñeñaro yiro robo yibesa mua. Yu yiro bajiro mua yija, muare boca ãmigũ yigũja yu, yi gotiami mani Uju.

¹⁸Mua Jacu ñagũ yigũja yu. Yu rĩa ñarã yirãji mua, yi gotiami rãtoro masigũ mani Uju, ĩ oca tutina.

7 ¹Tuoya yu ñarã mua. Adi muare yu gotirise Dios ĩ gotire ña. ĩ yiro bajiro riti yisotiami Dios. Ito bajiri ñeñarise jeyaro jidicãrũja manire. Manimasiti mani ya ruju ñeñaro iti tuoĩaro bajiro yibitirũja manire. Mani ya usiju mani ñeñaro tuoĩarise cuni jidicãrũja manire. Diore rũcubhocõri ĩ ãmorise riti yirũja manire. Quenarise riti yirũja manire.

Ñeñarisere jidicãcõri quenarisejua tuoĩaja quena, Pablo ĩ yire gaye

²Gaje ado bajiro muare gotia yu. Yure ti tebesa. Tuo maiña yure. Ñimũjuare ñeñaro yibiticũ yu. Ñimũjuare ñeñarise yi rotibiticũ yu. Yumasirio bujarocũ ruobiticũ yu masare. Ito bajiri yure tuo maiña. ³Adi muare yu gotija, muare busiturocũ meje ya yu. Muare bũto tuo maia yu. Mani catija, mani godaja cuni Jesucristo ñarã ñari sīgũre bajiro riti tuoĩarã yirãji mani. Muare yu gotiado bajiroti tuo mai jidicãbicũja yu. ⁴“Yu gotiro bajiroti cudirã yirãji”, yi tuoĩa yu muare. Ito bajiri muare bũto wanua yu. “Queno yirã ñama Corinto cuto gãna”, muare yi tuoĩacõri bũto wanua yu. “Ito bajiro bajirã ñama Corinto cuto gãna”, muare yi tuoĩacõri oca seoa yu. Tuoĩa bujatobitibojaguti mua queno yirisere tuoĩacõri wanua yu ĩja.

⁵Ado Macedonia sita yu ejaja tujacãre manicu yure. Oca jaje ñacu ado. Jãjarã ñacã yure ti tudirã. Adi cuto gãna sigũ robo bajiro ña tuoĩabeja, jaje gãmeri tudire ñacu. “Dios ocare queno cudibeama ña”, yi tuoĩacõri yu ya usiju bojori bujacu yu. ⁶Oca seõmenare oca seõroca yigu ñami Dios. Ito bajiri yu bojori bujabojarocati yu oca seõroca yiquĩ ï. Tito ï ejaja ticõri, yu oca seõroca yiquĩ Dios. ⁷Tito ï ejare gayena riti meje wanua yu. Mua gaye ï gotija tuocõri, wanua yu itire cuni. “Yure tuorũnucã Corinto cuto gãna, ito yicõri yu oca seõroca yicã”, ï yija tuocõri wanua yu. Gaje ado bajiro gotiquĩ Tito yure: “Mure buto ti ãmoama Corinto cuto gãna. Ña ñeñaro yirisere tuoĩacõri buto bojori bujama ña. Mure rucubucõri buto tuo maiama ña”, yi goti ejaquĩ Tito yure. Ito bajiro ï yija tuocõri, buto busa muare wanucu yu.

⁸Iti ramu muare papera cõagũ, “Iti papera ticõri jabeto bojori bujarã yirãji ña”, yi tuoĩacõri bojori bujacu yu. “Ñeñaro yirã ña mani”, mua yijaro yirocu, iti papera muare cõacu yu. Ito bajiri, “Iti papera cõabitirujaboyija yure”, yi tuoĩabea yu. ⁹Iti papera muare yu cõacati tuoĩacõri wanua yu ïja. Iti papera ticõri mua bojori bujare gaye meje wanua yu. Ado robojua baja: “Ña ñeñaro yirise jidicãcõri gaje tuoĩare wasoama ña ïja”, yure ï yija tuocõri, wanucu yu muare. Iti papera yu cõare ticõri bojori bujayija mua. Ña ñeñaro yirisere jidicãjaro yirocu, mua bojori bujaroca yini Dios. Ito bajiri iti ramu muare yu papera cõacati quenarise gaye ñacu iti. ¹⁰Mani ñeñaro yirise mani tuoĩaja, mani bojori bujaroca yami Dios. Gaje tuoĩare mani wasoaja ticõri, manire wanugũ yiguĩji Dios. Ito yicõri manire masogũ yiguĩji. “Yu ñeñaro yirisere tuoĩacõri yu bojori bujaroca yibitirujabojañi Dios”, yibea mani. “Ito bajiro yi masigũ ñami Dios”, yi tuoĩacõri, buto wanua mani. Ña ñeñaro yirise tuo bojori bujabojarãti itire jidicã ãmobeama gãjerãma. Ito bajiri goda warã jeame ñjuroju warã yirãji ña. ¹¹Mua bojori bujaroca Dios ï yija, muare queno yigu yini ï. Tuoĩate mua: Ito bajiro muare Dios ï yija, rucubucõ quenaro tuoĩasucoyija mua ïja. “Oca ña mani wato. Itire quenorujã manire”, yi tuoĩana mua. “Iti mani oca quenobeja mani tuoĩa bujatobitiroca yigu yiguĩji Dios”, yi tuoĩa giuana mua. Ito bajiro tuoĩacõri, ñeñaro yigu ï tuoĩa bujatobitiroca yiana mua, itire jidicãjaro yirona. Ito bajiro yicõri oca quenoyija mua. Ito bajiri, “Queno yama ña. Ne seti ma ñare”, yi tuoĩa yu muare. ¹²Iti ramu muare papera yu cõacati, “Ña wato ñeñaro yigu ï tuoĩa bujatobitiroca yijaro”, yirocu meje papera cõacu yu. Ito yicõri, “Ñeñaro yirure ejabuaya mua”, yirocu meje papera cõacu yu muare. Ado bajirojua yicu yu. Pablore tuo mairã ña mani. Ito bajiro Dios ï tiro riojo Pablore cudirujã manire yijaro ña, yirocu iti papera cõacu yu muare. ¹³Ito bajiri queno mua yire tuoĩacõri oca seõa yu.

“Queno yama ña”, Tito ï yija tuocõri, buto busa wanua yu muare. Ado bajiro yure yiquĩ ï: “Corinto cuto gãna queno ña yija ticõri, oca seõcu yu”, yi goti ejaquĩ Tito yure. Ito bajiro ï wanujã ticõri, yu cuni muare buto wanua. ¹⁴Mua tu Titore yu cõaroto riojua ado bajiro yicu yu ïre: “Ñare yu oca cõaja, queno cudirã yirãji Corinto cuto gãna”, yicu yu Titore. ïre yu yicato bajiroti queno cudiyija mua. Ito bajiri Tito tudĩ ejacõri ï tiro

riojo bojobea yu. “Cudirã yirãji ña”, yu yiado bajiroti cudiyija mua. Coji ruyabeto ñasarise muare busicu yu. ¹⁵ Ñre mua cudigore tuoia bujacõri buto busa tuo maiami Tito muare. “Yure tuocõri rucubure rãca cudicã ña”, yi masicõri muare buto wanuami Tito. ¹⁶ “Yu gotirise jeyaro cudi jeorã yirãji ña”, yi tuoia yu muare. Ito bajiri mua rãca buto wana yu.

Bojoro bujarãre wanure rãca ejabuaja quena, yire gaye

8 ¹ Tuoya yu ñarã mua. Ado Macedonia sita gãna Jesucristore tuorũnurã Dios i queno yire gaye muare goti ãmoa yu. Ñnare ti maicõri queno yiñi Dios. ² Jaje oca tuoia bujatobitibojarãti wanuama ña. Bojoro bujarã ñabojarãti gãjerãre ejabuarona jaje niyeru miojuama ña. ³ Ña miojuja ticõri, “Maibiticõri queno wanure rãca ñsiamã ña”, yi tuoia yu. Ña rucorocõ isibojarãti bojoro bujarãre tuo maicõri, jai busaro ñsiamã ña mucana. Yu senibitibojarocati queno ñsiamã ña. ⁴ “Jerusalén gãna Jesure tuorũnurã bojoro bujarãre ejabua ãmoa gna. Ito bajiri adi niyeru ãmi wa ñsiña ñnare”, yi josama ña yure. ⁵ “Adocõ queno yirã yirãji ña”, yi yu tuoia yuado rëtoro queno yama ña. “Dios i ãmoro bajiro riti yi ãmoa gna”, yama ña. “Diore cudicõri mure cuni cudi ãmoa gna”, yama ña yure. “Niyeru miojucõri Jerusalén gãna bojoro bujarãre ejabua ãmoa gna”, yama ña yure. ⁶ Ña ito yija ticõri, “Corinto cuto gãna tujũ tũdi wasa mu”, ya yu Titore. “Mu ña bojoro bujarãre yiri niyeru mioju rotirũ. Itoju tũdi wacõri ito bajiroti niyeru mioju ñama mu”, ya yu Titore. ⁷ Gãjerã rëtoro masirã ña mua. Jesucristore queno tuorũnurã ña mua. Queno masirã ñari Dios oca goti rëto bu masia mua. Gãjerãre buto ejabua ãmorã ña mua. Yure buto ti mairã ña mua. Ito bajiri bojoro bujarãre ejabuarona gãjerã rëtoro niyeru mua miojuja quena. Ito yicõri wanũ quenaro mua miojuja quena.

⁸ Ito bajiro muare yu yija, rotigũ meje ya yu. Queno wanũ quenaro bojoro bujarãre ejabuarona niyeru ñsiamã coriarã. “¿Riti gãjerãre tuo maiati ña?” yirocu ya yu muare. Bojoro bujarãre mua tuo maija, ñnare ejabuarona niyeru miojurã yirãji mua. ⁹ “Manire ti maicõri manire goda ñsiñi mani Uju Jesucristo”, yi tuoiarã ña mua. Dise ruyabeto rucogu ñabojaguti manire ti maicõri i rucorise jidicãyiju. Adi sita ejagu bojoro bujagu robo bajiro ñayiju i. Ito bajiro i bajijare catitũnarã yirãji mani. Manire i queno yirajũna suoriti ñejua ruyabetoja manire.

¹⁰ Mua queno ñare ãmogũ yu tuoiarise muare gotigũ ya yu. Iti rãmũca rodo mua yisũore mua tuoiare ãmoa yu. Iti rãmũca rodo bojoro bujarãre ejabuarona niyeru miojusũoyija mua. Mua miojusũore mua tiore ãmoa yu. “Bojoro bujarãre ejabuarona niyeru miojuto mani”, yirã, wanure rãca niyeru miojusũoyija mua. ¹¹ Adocãta cuni ito bajiroti niyeru miojutũñacõña mua. Mioju tiocõri mua cõaja quena. Iti rãmũ wanũ quenaro mua miojuado bajiroti yija quena adocãta cuni. Maimenati mua ñsija quena. ¹² Ado robojua baja: Jairo mua rucõja jairo ñsija quena. Jabeto mua rucõja jabetoti ñsija quena. Maimenati wanure rãca mua ñsi ãmoja muare wanũgũ yiguji Dios.

13 “Bojoro bɔjarãre ejabuaya”, yu yija, “Ïsi jeocõña”, yigu meje ya yu muare. “Bojoro bɔjarãre niyeru ïsi jeocõri, bojoro bɔjaya mua”, yigu meje ya yu muare. 14 Coro bajiro ñarejua mua ñaja quena. Mua ña jaje ruçorã. Ito bajiri, “Bojoro bɔjarã ñama ñna”, yi ti masicõri ñnare mua ïsija quena. Mua ãmorise iti manija, muare ïsirã yirãji ñna cuni. Ito bajiri ñejua ruayabetoja ñnare, muare cuni. Ito yija corocõ ñnarã yirãji mua. 15 Dios oca tuti ado bajiro gotia: “Jairo mioju ãmorã ñabojarãti ñna ãmoro rëtoro bɔjabisijarã ñna. Gãjerãma jabetacã miorã ñabojarãti ñna ãmorocõ bɔjayijarã ñnama”, yi gotia Dios oca tuti.

Tito mesare queno boca ãmiña mua, Pablo ï yi ñucare gaye

16 Muare yu tuo mairo bajiroti muare tuo maiami Tito cuni. Muare ejabua ãmoami ï cuni. Muare ï tuo mairoca yiñi Dios. Ito bajiro ï yija, “Queno ya Dios mu”, ya yu ïre. 17 “Corinto cuto gãnare ejabuatẽña”, yu yi gotija, queno wanu quenaro cudiqũ Tito. “Baũ, wacɔja yu”, yi cudiqũ ï. Muare buto tuo maigũ ñari ñmasiti, “Ïna tu wacɔja yu”, yi tuoiaquĩ ï.

18 Titore baba cuti warocũ mani bajiro Cristore tuorũnugũre mua tu cõa yu. Masa jeyaro ñna rucubuoçu ñami ï. “Dios ocare queno goti rëto bu masigũ ñami ï”, yi gotiama jeyaro Jesure tuorũnurã. 19 Ñnare niyeru mioju ejabuajaro yirona, ïre besecã Jesure tuorũnurã. “Bojoro bɔjarãre niyeru ïsi ejabuatẽña”, yicã ñna ïre. Bojoro bɔjarãre ïsirona niyeru ñna miojure gua ïsi bateja ticõri, “Bojoro bɔjarãre queno ejabuama Jesure tuorũnurã”, yi tuoiarã yirãji masa jeyaro. Ito yicõri mani Eju Jesucristore rucubuoçã yirãji ñna. 20 “Adi gayeti niyeru ãmi ruoguĩji Pablo”, yi masa ñna yure busiture ãmobeaa yu. Ito bajiro ñna tuoïame yiroçu queno tuoïacõri niyeru ïsi ñuca yu. 21 “Niyerure ãmi ruobiquĩji Pablo. Ñarocõti bojoro bɔjarãre ïsi ñucacõgũ yiguĩji”, yi tiguĩji Dios yure. “Niyeru ñarocõti ïsi ñucacõni Pablo”, masa ñna yijaro yiroçu, masa ñna rucubuoçu Titore baba cuti ware ãmoa yu.

22 Ito yicõri ñna rãca ado gãna ñna beseru, gãji mua tu cõagũ ya yu. Cristore tuorũnugũ ñari mani yagu ñami ï cuni. ïre ti masigũ ñari, “Queno yigu ñami ï”, yi tuoia yu ïre. Coji ruayabeto ejabua ãmosotiami ï. “Corinto cuto gãna queno cudiama ñna”, yu yija tuocõri, muare ejabua ãmoami ï. 23 Mua tu gãna, “¿Ñimũ ñaguĩjida Tito?” ñna yi seniãja, ado bajiro mua cudiya quena: “Pablo baba ñami ï. Pablo robo bajiro manire Dios oca goti rëto buçu ñaguĩji ï cuni”, mua yija quena. Gãjerã jũarã Titore baba cuti warã Jesucristore tuorũnurã ñama ñna cuni. Ito bajiri mani ñarã ñama ñna. Ñna queno yire ticõri, “Queno yirã ñama Jesucristo ñarã”, yi tuo masiama ado gãna ñnare. Ado gãna Jesucristore tuorũnurã mua tu ñna watoni ñnare besecã. 24 Mua tu ñna ejaja, rucubuoçã rãca ñnare boca ãmiña. “Queno yirã ñama Corinto cuto gãna. Gãjerãre rucubuoçã ñama ñna”, ya yu masa jeyarore. “Riti yami Pablo”, gãjerã Jesucristore tuorũnurã ñna yi masitoni, yu gotiro bajiroti rucubuoçã rãca ñnare boca ãmiña mua.

Mani ñarã bojoro bujarãre ejabuaja quena, yire gaye

9 ¹“Mani ñarã bojoro bujarãre ejabuarona niyeru miojuja quena”, yi tuoïarã ña mua. Ito bajiri, “Masicãrãji ña”, yibojaguti uca yu muare. ²“Bojoro bujarãre ejabua ãmoama ña”, yi tuoïa yu muare. Ado Macedonia sita yu wa ucuja, “Iti rumuca rodo bojoro bujarãre ejabuarona niyeru miojusuoñi Corinto cuto gãna”, ya yu masare. Muare wanugũ ito bajiro masare ya yu. Ito bajiro yu yija tuo oca seocõri, “Mani cuni ito bajiroti bojoro bujarãre yiari niyeru miojuto mani”, yama adi cuto gãna cuni. ³Yu waroto riojua Tito mesare cõa yu. “Yu ejari rumu niyeru rãca minijua yucãrã yirãji ña”, yirocu cõa yu ñare. “Niyeru mioju yucãrãji ña”, ya yu ado gãnare. Ito bajiri mua tu ejacõri, “Niyeru mioju tiobeama ña maji”, ña yire tuo ãmobeaa yu. “Niyeru mioju yucãrã yirãji”, yi tuoïa yu muare. ⁴Ado gãna Macedonia sita gãna yure ña baba cuti waja, niyeru manoti muare ña ti bujare ãmobeaa. “Corinto cuto gãna bojoro bujarãre ejabuarona niyeru mioju tiocãrã yirãji ña”, ya yu ado gãnare. Ito bajiri mua ruco yubeja, bojori bujagu yigujaja yu. Mua cuni bojori bujarã yirãji mioju tiobiticõri. ⁵Ito bajiri mani ñarã Tito mesa yu waroto riojua mua tu ña waja quena yure. “Adocõ ñsiana gna”, mua yire mioju tio masitoni muare ejabuarã yirãji ña. Ito bajiri yu ejaroca tãjacãre ñaro yiroja iti mua miojure. Ito bajiri yu ejaroto riojua sigũ ruyabeto mua ñsi ãmorocõ ñsirã yirãji mua. Ito bajiri, “Pablo ñnare ñ josajare ñsiñi ña”, yi tuoïamenaji gãjerã.

⁶Ado yu busirise tuoja mua. No jabeto otegu ñ oterocõti bujagu yiguïji. Jairo oteguama jairo bujagu yiguïji. No jabeto ñsigũ itocõti boca ãmigũ yiguïji. Jairo ñsigũ jairo bujagu yiguïji. ⁷“Adocõ ñsigũ yigujaja yu”, mua ya usija yi mua tuoïadocõ mua ñsija quena. Maibojarãti mua ñsija quenabea. ñsi ãmobitibojarãti gãji ñ josaja tuocõri, mua ñsija quenabea. Muamasiti ñsi ãmorã mua ñsija quena. Wanu quenaro ñsirãre ti wanuami Dios. ⁸Ito bajiro mua yija ticõri, muare queno yigu yiguïji Dios. Mua ãmoro rêto busaro ñsi remogũ yiguïji Dios. Ito bajiri ñejua ruyabetoja muare. Ito bajiro muare yigu yami Dios, bojoro bujarãre mua ejabuatonni. ⁹Ado bajiro gotia Dios oca tuti: Maibicuti bojoro bujarãre ñsigũ yiguïji Diore rucubuoгу. Ito bajiri ñ queno yigore acabojobicu yiguïji Dios, yi gotia Dios oca tuti.

¹⁰Dios ñnami, otejaro yirocu, aje ñsigũ. Ñti ñnami, bajaro yirocu, bare ñsigũ. Mua ãmorise ñarocõti muare ñsigũ yiguïji Dios. Gãjerãre mua ejabuatonni muare ñsigũ yiguïji Dios. ¹¹Jairo muare ñsigũ yiguïji Dios, bojoro bujarãre mua ejabuatonni. Ito bajiro mua yijare, “Queno ya Dios mu”, yi rucubuoгã yirãji masa ñre. Jerusalén gãna Jesucristore tuorunãrãre mua miojure yu ãmi ejaja ticõri, “Queno ya Dios mu”, yi rucubuoгã yirãji ña ñre. ¹²Mani ñarã bojoro bujarãre adi mua ñsija, queno ejabuaroo ya ñnare ña queno ñnatonni. Ito bajiro mua yija, “Queno ya Dios mu”, yi rucubuoгã yirãji ña. ¹³Ñnare mua ñsijare, “Cristo ocare queno cudiana Corinto cuto gãna”, yirã yirãji ña muare. Ito yicõri Diore rucubuoгã yirãji ña. “Manire ejabuacõri

gãjerãre cuni bũto ejabuama ñna”, yirã yirãji ñna. Ito bajiri Diore rũcũbuorã yirãji ñna. ¹⁴“Manire ñna queno ejabuarooca yĩni Dios”, yirã yirãji mũare tũto wanũcõri. Ito mua yire tũtoĩacõri mũare yiari bũto Diore seni ñsirã yirãji ñna. ¹⁵“Queno ya Dios mũ”, yirũja manire. Rẽtoro quenarise manire ñsirã Dios. Ñna ñẽnarõ yirise waja yi ñsijaro yirocũ, ñ Macũre cõañi Dios. Iti ña rẽtoro ñasarise. Ito bajiri, “Queno ya Dios mũ”, yirũja manire.

Dios ñ rotirisena riasoa yũ, Pablo ñ yire gaye

10 ¹Yũ ña Pablo. Yũre jabeto ña mũare yũ gotiroti. Ado bajiro baja iti: Masare busigu ñnare ti maicõri quenoti busiyijũ Cristo. Ñre bajiro mũare goti ãmoa yũ cuni. Ito gãna coriarã yũre busituyjarã. “Mani rãca ñ ñajama quenoti manire busiami Pablo. Sõjũ ñ ñajama manire oca sẽoro busiami”, yiyijarã mua coriarã yũre busiturã. ²Ñẽnarõ yirãre goti queno masia yũ. Ito bajibojarocati mua tũ yũ ejaja, sẽoro busi ãmobeã yũ. Ito bajiri ñẽnarõ mua yirise jidicãña, mua tũ ejacõri yũ oca sẽoro busibe yirona. “Adi sita ñẽnarõ yirã robo yigu ñami Pablo”, yi yũre busiturãreama oca sẽoro busicũja yũ. ³Ito bajiroti baja. Mũare bajiroti masũ ña yũ cuni. Ito bajibojarocati Dios oca yũ riasoja ñ masirisena riasoa yũ. ⁴Yũmasi tũoĩarisena yũ riasojama, queno riasobitibogũja yũ. Dios ñ masirisena riasoa yũ. Ito bajiro bajigu ñari ñẽnarõ yirãre rẽtocũ masia yũ. ⁵Jesure gãjerã tũorũnũme yirona, “Ñasarise riasobeã mũ”, yũre ñna yija, Dios ñ ejabuarisena ñnare busi rẽtocũã yũ. Cristo oca yũ riasorise gãjerã ñna riasobojarise rẽto busaro ñasarise ña. Ito bajiri Cristo oca yũ riasoja tũorũnũcõri, ñre cudĩ ãmorãji ñna ñja. Dios ñ masirisena ito bajiro ya yũ. ⁶Ito bajigu ñari mua wato yũ riasorisere cudimenare goti queno masia yũ. Sigũ ruyabeto mua cudija, gãjerã cudimenare riasogũ yigũja yũ.

⁷Yũre tibojarãti yũ tũoĩarise masibeã mua. Ito bajiri queno tũoĩãña mua, “Riti Cristo ñarã ña gũa”, mua yijama, “Riti Cristo yagũ ñami Pablo”, yi ti masiborãji mua yũre. ⁸Mũare yũ riasotoni yũre cũni Dios. Mũare biyaro yũ gotija cuni, bojobeã yũ. “Mani Ujũ, ‘Yũ oca riasojaro ñnare’, yirocũ yũre cũni ñ”, yi tũoĩã yũ. Bojori bũjajaro ñna, yirocũ meje yũre cũni Dios. Ado bajirojũã baja: Oca sẽoro mua ñatoni yũre cũni Dios. ⁹“Manire papera ñ cõaja, ‘Sẽoro busiami Pablo mani gũijaro’, yirocũ”, yi tũoĩabitirũja mũare. Ito bajiro mua tũoĩare ãmobeã yũ. ¹⁰Mua coriarã yũre busiturã, ado bajiro ya mua: “Papera jũjũna oca sẽoro busibojagũti mani tũ ñ ejajama oca sẽoro busibiquĩji ñ. Oca sẽogũ meje ñami ñ. Rojogũ ñami. Ñe waja ma ñ busirise”, yi yũre busiturãji mua coriarã. ¹¹Ito bajiro yũre ñna yibojarocati ito bajiro bajigu meje ña yũ. Papera jũjũna oca sẽoro yũ busiro bajiroti busigu yigũja yũ, yũre busiturã tũ ejagũ cuni. “Iti masi yuya mua”, ya yũ mũare.

¹²Ado bajiro yirãji mua rãca gãna coriarã: “¿Ñimũ ñati mani wato bũto busa tũoĩagũ? Yũ ña bũto busa tũoĩagũ”, yi gãmeri busirãji ñna. “Gãjerã rẽtoro masirã ña mani”, yi tũoĩarãji ñna. Ito bajiro ñna yija, tũoĩã wisarã yirãji ñna. Ñna robo

bajiro t̄uoĩagũ meje ña yu. ¹³“Masigũ ña yu”, yibea yu. Ado bajirojua ya yu: M̄ua Corinto cuto ḡanare yu riasotoni yure c̄ũni Dios. Ito bajiri, “ĩ masirisena muare riasoa yu”, yu yija, riti muare gotia yu. ¹⁴Ḡajerã riojua Cristo oca quenarise muare riasocu yu. Iti oca yu muare riasotoni yure c̄ũni Dios. Yumasi t̄uoĩa rujeoc̄ori meje muare riasocu yu. ¹⁵Ḡajerã riasoanare, “Yu riasoana ñama ña”, yibea yu. Yumasi yu moagore riti muare busia yu. Ado bajiro bajia: Buto busa Jesucristore m̄ua t̄uorũnure ãmoa yu. Ito bajiri jai busaro muare riaso ãmoa yu. Riasojaro yirocu, Dios yure ĩ c̄ure riti riaso ãmoa yu. ¹⁶Ito bajiro yic̄ori m̄ua s̄ojua ñarãre riasogu wa ãmoa yu m̄ucana. Ña t̄u ejac̄ori Jesucristo oca quenarise ñare riaso ãmoa yu. Ḡajerã ña riasogobitanare riaso ãmoa yu. Ito bajiro yu yija, ḡajerã riasogoana ñabojarocati, “Yu riasoana ñama ãna”, yi goti wanu ãmobeaa yu.

¹⁷Ado bajiro gotia Dios oca tuti: “Diore r̄uc̄ub̄ojaro masa yirocu, ‘Dios ĩ masirisena yic̄u yu’”, mani yija quena. “Yumasi t̄uoĩarisena yic̄u yu”, yibitir̄uja manire, yi gotia Dios oca tuti. ¹⁸Sigũ ĩmasiti “Queno yiḡu ña yu”, ĩ yibojaja, waja ma iti. Dios ĩ boca ãmirocu meje ñami ĩ. “Ñni ñami queno yiḡu”, Dios ĩ yijama, ĩ ñami ĩ boca ãmirocu.

Ruore oca riasorã Dios ĩ c̄uana meje ñama, Pablo ĩ yire gaye

11 ¹T̄uo masibic̄ure bajiro yu busibojarocati yure m̄ua t̄uorũnure ãmoa yu. Adi yu busirise t̄uoya m̄ua. ²Romio ḡaji r̄aca ajebeco iso man̄uju ñaroc̄ure riti t̄uoĩaḡo yiḡoji. Isore bajiro Cristore riti m̄ua t̄uorũnure ãmoa yu. Yu ña cajero muare riasos̄ocacu. Cristore t̄uorũn̄ujaro ña, yirocu muare riasocu yu. Ito bajiri buto muare Dios ĩ t̄uoĩaro bajiroti t̄uoĩa yu c̄ani. Cristore t̄uoĩa jidic̄ame ña, yirocu muare buto t̄uoĩa yu. ³Jane mejeju r̄um̄ua uju jinona quedĩ s̄ajac̄ori Eva ñayorore ruoyiju ĩ. “Ito bajiroti ñare ruogu yiguĩji ĩ”, yi t̄uoĩa yu muare. “Buto Cristore masirã ñabobarãti r̄um̄u ĩ ruorise t̄uorũnuc̄ori Cristo oca jidic̄arã yirãji ña”, yi t̄uoĩa yu. Ito bajiri buto t̄uoĩa yu muare. ⁴Ado bajirojua bajia: Ḡajerã ricati riasorã ña ejaja, wanure r̄aca ñare boca ãmirãji m̄ua. Jesús oca yu riasoado bajiro meje ña riasobojarocati ñare t̄uorũnurãji m̄ua. “Ado bajiro bajiami Esp̄iritu Santo”, yu yiado bajiro meje ña riasobojarocati ñare t̄uorũnurãji m̄ua. “Ado bajiro masare masogũ yiguĩji Dios”, yu yiado bajiro meje ña riasobojarocati ñare t̄uorũnurãji m̄ua. Ito bajiro ñare m̄ua t̄uorũn̄uja quenabea. ⁵“Dios ĩ c̄uana ña gua. Ḡajerã r̄etoro masirã ña gua”, yirãji ña. “Dios ĩ c̄uru ña yuama. Ña ruja busaro meje ñaḡuja yu ñarea”, yi t̄uoĩa yu. ⁶Queno busi masibitibojaguti Dios ocare queno masia yu. Ito bajiri ĩ ocare queno muare goti r̄etobucu yu. Coji meje yure t̄uogoana ñari, “Queno Dios ocare masiami Pablo”, yi t̄uoĩarãji m̄ua yure.

⁷Dios oca quenarise yu muare riasoja, waja senibitic̄u yu. Bojoro bujagu ñabojaguti, Dios ocare riti t̄uorũn̄ujaro ña, yirocu muare waja senibitic̄u yu. ¿Quenabisijari ito bajiro yu yija? Meje, queno yic̄u yu. ⁸Ḡajerã Jesure t̄uorũnurã yure niyeru ĩsi ñucañi. Ña ejabuarise boca ãmic̄ori m̄ua t̄u riaso ñacu yu. Yure m̄ua ĩsi ãmobejare ñajua yure ĩsi ñucañi. ⁹M̄ua t̄u ñagũ bojoro bujacu yu. Ito bajiro bajibojaguti m̄ua t̄u

yū ña masitoni, “Yūre ejabuaya mua”, yibiticu yū. Macedonia sita gāna ejacōri mua tu yū ña masitoni yū bojoro bujarise yūre īsicā īna. Mua tu ñagū, “Yūre ejabuaya”, yibiticu yū. Coji muare niyeru senibiticu yū. Ija cūni senibicuja yū. ¹⁰Cristo oca yū riojo gotiado bajiro muare riojo gotigu yiguja yū. “Yū ña masitoni yūre niyeru īsiña mua”, yibicuja yū. “Guare niyeru seniabeami Pablo”, yi tuoīarā yirāji mua Acaya sita gāna jeyaro. ¹¹Ado bajiro yū busija, ¿muare maigū meje yati yū? Bajibea. Muare buto maia yū. “Īnare buto maiami Pablo”, yi tuoīaguīji Dios yūre.

¹²Muare waja senibicuti riasotigu yiguja yū. “Palore bajiro Dios ī cūana ña gua cūni”, yirā muare īna riasoja, waja senirā yirāji īna. “Palore bajiro waja senia gua”, īna yibe yirocu, muare waja senibicuja yū. ¹³Diore moa īsirā meje ñama īnaōna. “Dios ī cūana ña gua”, yibojama īna. R̄o jairā ñama īna. “Cristo oca riasotoni ī cūana ña gua”, yi r̄oama īna. ¹⁴Ito bajiro īna yija tuo ucabea yū. Rūmūa ūju Satanás cūni cojireama ángel queno yigure bajiro godo wediguīji. ¹⁵Satanásre cudirā īna ñama ī ñarā. “Muare ejabua āmoa gua”, yi r̄oama īna. Īna ūju Satanás masare r̄orocu queno yigure bajiro ī godo wedi r̄oado robo bajiro yirāji īna cūni. Īna ñeñaro yire waja yirāonati co r̄umu tuoīa bujatomena yirāji īna.

Cristore moa īsigū ñari ñeñaro tōbujacu yū, Pablo ī yire gaye

¹⁶Ito bajiro yū yibojarocati, “Queno tuo masibicu ñami Pablo”, yi tuoīabesa mua yūre. “Mecuri masu bajiro busiami Pablo”, yūre yibojarāti, “Busijaro maji”, yiya yūre, yūmasi gaye yū busitoni. ¹⁷Adocāta yū muare gotiroti mani Ūju Jesucristo ī goti rotire meje ña. Yū gaye riti busigu yiguja yū. Mecuri masa ñama īna ye riti busirā. ¹⁸Mua wato gāna coriarā īnamasiti, “Queno yirā ña gua”, yirāji īna. Īnare bajiro yigu yiguja yū jabeto. ¹⁹“Queno masirā ña gua”, yirāji mua. Ito yibojarāti mecuri masa īna busirisere tuorūnurāji mua. Īna ñarāji, “Dios ī cūana ña gua”, yi r̄orā. ²⁰Īna josare bajiro muare īna yibojarocati Īnare boca āmirā yirāji mua. Mua ye r̄orona muare r̄orāji īna. Manire moa īsijaro īna yirona, muare r̄orāji. Mua ya rioju jarāji. Ito bajiro īna yibojarocati īna yirisere tuorūnurā yirāji mua. ²¹Muare ñeñaro īna yiado bajiro yi masibea yū. ¿Ito bajiro muare yū yibeja quenabeati? Meje, muare queno ya yū.

Mucana queno tuo masibicure bajiro busigu ya yū. Yūmasi gaye muare gotigu ya yū. “Jaje quenarise yicu gua”, īna yi masija, “Ito bajiro jaje quenarise yicu yū cūni”, yi tuo masia yū. ²²“Hebreo oca busirā ñari gājerā r̄etoro ñasarā ña gua”, yama īna. Hebreo oca busiguti ña yū cūni. “Israel sita gāna ñari gājerā r̄etoro ñasarā ña gua”, yama īna. Yū cūni Israel sita gaguti ña. “Abraham ñayoru janerābatia ñari gājerā r̄etoro ñasarā ña gua”, yama īna. Abraham ñayoru janerābatia janamiti ña yū cūni. ²³“Cristore moa īsirā ñari gājerā r̄etoro ñasarā ña gua”, yama īna. Īna r̄eto busaro Cristore moa īsigū ña yū. Yūmasi gaye busigu queno tuo masibicure bajiro busia yū. Ito bajibojarocati yū gaye yū gotija

quena. Īna rēto busaro moasotia yu. Coji meje yure tubiacā masa, Dios oca yu riasoja ticōri. Coji meje yure bajecā. Coji meje yure sīabocā ĩna. ²⁴Co rumu treinta y nueve jiri yure bajecā ĩna. Mucana yure ĩnacōri juaria rumuri ito bajiro bajecā ĩna. ²⁵Udiaji yucu jāina yure jacā ĩna. Yure sīarona coji gūtana reacā ĩna. Yu wabojacati cuma, cuma bucua udiaji rujacu. Coji rujagu ũmuasaro, ũmiasaro baticu yu riaca jajosaju. ²⁶Dios oca riasogu sōju wa ucucu yu. Ito bajiro wa ucugu guijorise ticu yu. Riaca guijoro wa ucucu yu. Riniri masa ĩna guijoro, yu ĩarā ĩnabojarāti guijoro, ito yicōri gājerā masa guijoro wa ucucu yu. Cuto jaja cuto guijori cuto, cuto meje cuni guijoro riaca jajosa cuni, ito yicōri “Cristore t̃uor̃unrā ĩa g̃ua”, yibojarāti guijorā wato wa ucucu yu. ²⁷Josari moacōri t̃uōia b̃ujatobiticu yu. Coji meje canibic̃uti busuasoticu yu. Coji meje bare, ide cuni manicu yure. Ito yicōri coji meje ĩiocōcu yu. Coji meje ũsarise t̃uōia b̃ujatobiticu yu, yutabujuri yure iti manijare.

²⁸Iti riti meje t̃uōia b̃ujatobiticu yu. “¿No bajiro ĩarājida gaje cuto gāna Jesure t̃uor̃unrā?” yi t̃uōiacōri ruje t̃uōiasotia yu. ²⁹Jesucristore



(2 Corintios 11.24)

tuorũnurã ñabojarãti ñeñaro yicõri bojori bujarãre yu ti bujaja, ña rãca bojori buja yu cuni. Jesure tuorũnugũre gãjerã ï ñeñaro yiroca ña yija, bojori buja yu. Ito bajiro ña ïre yija, ña rãca junisinia yu. ³⁰Yu gaye masijaro yirocu, muare busia yu. “Buto sãogũ meje ñami Pablo”, mua yi tuoĩatoni yu gaye muare busia yu. ³¹Adi yu muare gotirise, “Riojo gotiami Pablo”, yi masiami mani Uju Jesucristo Jacu Dios yure. Ñi ñami mani rãcubuoĩñarocu. ³²Damasco wame cutiri cuto yu ñaroca, “Pablöre ñiacõri tubiajaro”, yirocu iti cuto tunima ñari sojeriju surara cũquĩ, iti cuto uju. Iti sita uju Aretas wame cutigu roca gagu ñaquĩ ï iti cuto uju. ³³Yure tubia amobojaguti yure ñia masibitiquĩ ï. Ito cuto tunima ñari canĩju ñari sojena jibuju sãcõri yure rujiocã ña. Ito bajiro yure ña ejabuajare rudicu yu.

Dios ñaroju Pablo ï cãire gaye

12 ¹Yumasi gaye yu busijama, “Quenabea iti. Rocati busiboja yu”, yi tuoĩa yu. Ito bajibojarocati mani Uju yure ï ïogore basicuja yu. Ito yicõri yu cãiroju ï gotire cuni muare goticuja yu. ²Iti rumaju Jesucristore tuorũnũsocu yu. Umacuju susari tutiju Dios ñaroju yure ï ami ejaja bero catorce rodori taja adocãta ija. Yure ito ï ami ejaja, “Ito bajiro ami ejaru”, yibea yu. Yu ya rujuti, yu ya usigoti ami ejaru gajea. Dios sigũti masiami itire. ³Riti, “Quenari cutoju Dios ï ñaro yure ami ejañi”, ya yu mucana. Ito bajibojarocati, “Ito bajiro ejacu yu”, yi masibeja yu. Yu ya usigoti, yu ya ruju cuni ami mujari seyoñi Dios gajea. ï sigũti masiami itire. ⁴Ito ejacõri masare Dios ï gotibitire tuocu yu. Ito yu tuogore goti rotibeami Dios yure. ⁵Iti gaye yure Dios ï gotija, “Ñasagu ña yu”, yiboguja yu. Ito bajibojarocati itire yibicuja. Yumasi gaye yu busija, “Buto sãogũ meje ña yu. Yu cuni tuoĩa bujatobea yu”, yicuja yu. ⁶“Queno yigu ña yu”, yu yi amoja, yi masia yu itire. Riojo yu gotigu ñajare, “Buguti yami Pablo”, yi masimenaji gãjerã. Ito bajibojarocati, “Queno yigu ña yu”, yi amobea yu. Yu yigore tibojarãti, ito yicõri yu busigore tuobojarã cuni, “Queno yigu ñami Pablo”, mua yi masibeja, “Queno yigu ñami Pablo”, mua yire amobitiboruja yu. ⁷Yu cãiroju Dios yure ï ïocati quenarise ñacu. Ito bajiro ïobojaguti, “Gãjerã rãtoro ñasagu ña yu”, yu yire amobeami Dios. Ito bajiri yu ya ruju, yu ñarise cutiroca yĩni Dios. Jota iti juniro bajiro bajia iti yure. Yure iti ñaja ticõri, “Gãjerã rãtoro ñasagu meje ña mu”, yami Satanás yure. ⁸Yu ñarise cutirise yisijaro yirocu, udiuji Diore senibojacu yu. ⁹Ito bajiro ïre yu senibojarocati ado bajiro yure cudiquĩ ï: “Yure ti maiami Dios, mu yi masija, ñe ruyabea mure. Rojo busagu mu ñaja ticõri, ‘Dios ï masirisena, riasoguĩ Pablo’, yi tuoĩarã yirãji masa”, yiquĩ mani Uju yure. Ito bajiri ñarise cuticõri wanua yu. Ito bajigu yu ñaja ticõri, “Cristo masirisena riasoñi Pablo”, yure yi tuoĩarã yirãji masa. ¹⁰Ito bajiri yu ñarise cutija, wanua yu. Coji meje yure busitucã masa. Coji meje yu amõrise ruyasoticu yure. Coji meje usirioro yi codecã masa yure. Cristo oca yu riasojare coji meje yu tuoĩa bujatobitiroca yicã masa yure. Ito bajibojarocati wanua yu. Yu tuoĩa bujatobitija, Cristore riti tuoĩa yu. Ito bajiri, “Ï masirisena ña yu”, yi tuoĩa yu.

Corinto cuto gānare Pablo ī tuoīa oca jaire gaye

¹¹Yumasī gaye gotigū, queno tuo masibicure bajiro busia yu. “Queno yigū ñami Pablo”, mua yibejare, yumasiti ito bajiro ya yu. Ito bajibojarocati, “Queno yigū ñami Pablo”, yirujaboja muare. Mua tu gāna, “Dios ī cūana ñasarā ña gua”, yirā rētoro ñasagu ña yu. No yigū meje ñabojaguti īna rētoro ñasagu ña yu. ¹²Dios ī cūru ñami Pablo, yijaro īna yirocu, tiyamani jaje yi iocū yu muare mua tu ñagū. Mua yure ñeñaro yibojarocati usiriobicuti Dios oca muare goti rētobucu yu. Jaje tiyamani muare iocū yu. “Riti Dios ī cūru ñami Pablo”, yi tuoīarūja mua yure. ¹³“Gājerā Jesucristore tuorūnūrāreama buto rācūbuoami Pablo. Manireama rācūbuobeami”, ¿yi tuoīati mua? Corocōti muare rācūbuoa yu. Gājerā Jesucristore tuorūnūrāre, “Yure ejabuaya mua, yu ña masitoni”, īnare yu yiado bajiro yibiticū yu muare. Ito bajiro muare yibiticōri, “Yu ñeñaro yirisere ācabojoya”, ¿yigū yigūjada yu muare? Yibicūja. Ñeñaro yibiticū yu muare.

¹⁴Juaji mua tu ejasucū yu. Ito bajiri ūdiaji mua tu ejagu warocū jane quenosoā yu mūcana. Mua tu yu ñaja, muare josabicū yigūja yu. Mua yure ti maire āmoa yu. Mua ya niyeru āmogū meje mua tu ejagu yigūja yu. Ado bajirojua baja: Īna riare ejabuarona niyerure āmoama īna jacūsabatia. Rīa meje ñama īna jacūsabatiare ejabuarona niyeru āmarā. Yu riare bajiro baja mua. Ito bajiri muare josabicū yigūja yu. ¹⁵Muare ti maicōri muare ejabua āmoa yu. Cristore tuorūnūjaro īna, yirocu yu rācorise ñarocōti wanure rāca jidicācūja yu. Cristore tuorūnūjaro Corinto cuto gāna, yirocu bucūa wabojaguti muare ejabuasoticūja yu. Muare yu buto ti maibojarocati yu tuoīaja yure queno ti maibeā mua.

¹⁶“Mani rāca ñagū manire josabitiqūi Pablo”, yi tuoīarāji mua yure. Ito bajibojarocati, “Queno tuoīagū ñari manire ruoñi Pablo”, yirāji mua coriarā. ¹⁷“Manire ī oca cōana rāca manire ruoñi Pablo”, ¿yi tuoīati mua? Ruobiticū yu muare. ¹⁸“Īnare titēña”, yirocu iti rumu Titore cōacu yu mua tu. Gāji ī rāca Cristore tuorūnūgū cōacu yu. “Manire ruoñi Tito”, ¿yi tuoīati mua? Ruobitirū ī. “Queno yiqui Tito”, yi tuoīarāji mua. Yure bajiro Espiritu Santo quedī sāja ecogu ñari, muare ejabua āmogū Dios oca queno riasoñi ī. Muare niyeru josabisī ī.

¹⁹“Īre wanūjaro īna, yirocu iti manire gotiami Pablo”, ¿yi tuoīati mua? Ito bajiro meje baja. Ado bajirojua baja: Muare yu busija, Cristo ī āmoro bajiro muare busia yu, Dios ī tiro riojo. Tuoya yu mairā yu ñarā mua. Jeyaro yu muare gotirise, “Cristore tuorūnū wajaro īna”, yirocu muare ya yu. ²⁰“Mua tu ejacōri, Cristore cūdibiticōri ñeñarise riti mua yi ñaroca ti ejagu yigūja yu gajea”, yi tuoīa yu muare. “Mua tu ejacōri mua oca josa ñaroca ti ejagu yigūja yu gajea. Gājerā ya gajeoni mua űoroca, mua junisini ñaroca ito yicōri gāmeri queno mua baba cuti ñabitiroca, oca menirā cūni, busiturā, gāmeri tārā, ito bajiro yibojarāti, ‘Gājerā rētoro tuoīarā ña gua’, mua yi ñaroca ti ejagu yigūja yu gajea”, yi tuoīa

yū mware. Ito bajiro mwa yi ñaroca yū ti ejaja, mwa ãmoro bajiro mware wanu ejabicuja yū. Ito bajiro mwa ñeñaro yirise ticōri mware junisini tigu yiguja yū. Ito bajiri yū junisinija ticōri, wanamenaji mwa. ²¹“Mwa tū ejagu mwa ñeñaro yire ticōri yū bojo bजारoca yigu yiguji Dios”, yi tuoia guia yū. Iti ramu mwa ñeñaro yiado bajiroti mwa yija ticōri, mwa tiro riojo otigu yiguja yū. Itire ambea yū. Mwa tū ejacōri, “Īna ñeñaro yiriserē jidicā ambeama ĩna. Rocati romiare ĩna ajerise jidicā ambeama ĩna. Īnamasiti ĩna ya ruju ñeñaro iti tuoaro bajiroti ñeñaro yi wyaraji maji”, yi yū ti ejaja, otigu yiguja yū. Itire ambea yū.

Pablo ĩ goti quenosusare gaye

13 ¹Adi yū warisena udiagi mware tigu yiguja yū. Yū ejaroti bocati yucāña mwa. Ado bajiro gotia Dios oca tuti: Gājire sigū ĩ seti yi āmoja, ĩre busi ejabuarā, “Riti yami. Ticū gua cūni. Ito bajiroti bajicu”, yirā jūarā, udiarā ñaja cūni quena, yi gotia Dios oca tuti. ²Iti ramu mwa tū ñagū ñeñaro yirare goti quenocu yū, ĩna ñeñaro yirise jidicājaro yirocu. Mwa tū ñabitibogaguti gājerā ñeñaro yirare cūni goti quenoa yū, jidicājaro yirocu. Ñeñaro yirā ĩna ñaja ti ejacōri, buto ĩna tuoia bजारotitiroca yigu yiguja yū. ³Īnare ito bajiro yū yija ticōri, “Cristo ĩ amoro bajiro gotiami Pablo”, yi tuoiaraji mwa. Īna ñeñaro yirise jidicājaro yirocu, oca sēoro yigu yiguji Cristo. Ito yicōri ĩ masirise mware ĩogū yiguji. ⁴Manire bajiro ruju cuticōri yucutēoju ĩna jajuja godaņi Cristo. Ito bajiro ĩna yibojarocati adocāta Dios ĩ masirisena ñami ĩ ĩja. Cristore yū tuorūņja ticōri, “Rojogu ñami Pablo”, yama masa yūre. Ito bajiro ĩna yibojarocati Cristore tuorūņgū yū ñajare, yū oca sēoroca yigu yiguji Dios. Ito bajiri mwa tū ejacōri, ĩna ñeñaro yiriserē jidicājaro yirocu, oca sēoro mware goti quenocuja yū.

⁵“¿Riti Cristore tuorūņgū ñati yū?” yi tuoiaña mwa. “¿Riti Cristo yū ya usiju quedī sāja ecoru ñati yū?” yi tuoiaña mwa. “Cristo yū ya usiju quedī sāja ecoru ña yū”, mwa yi tuoiañeja, Cristore tuorūņrā meje ña mwa. ⁶“ ‘Riti Cristore tuorūņgū ñami Pablo’, yure yirāji mwa”, ya yū. ⁷Mwa ñeñaro yibititoni mure yiari Diore seni ĩsisotia yū. “Īnare queno Dios oca riasoņi Pablo”, yure ĩna masa yi wanujaro yirocu meje Diore senia yū. Quenarise riti mwa yire āmoa yū. Ito bajiri mwa queno yitoni Diore seni ĩsia yū. “Īnare queno riasobisī Pablo”, masa ĩna yibojaja cūni, no yibea yūre. ⁸Oca ñasarise tuorūņjaro ĩna yirocu, Dios oca riasoa yū. Oca ñasarise ĩna tuorūņjū jidicāroca yi ambea yū. ⁹Ito bajiri mwa tū ejacōri, “Queno Cristore tuorūņrā ñama ĩna”, yi yū ti masija, sēoro mware busibicuja yū. Ito bajiro iti bajija, ticōri buto wanugū yiguja yū. Cristore tuorūņcōri ĩ amoro bajiro riti yijaro ĩna, yirocu mware Diore seni ĩsia yū. ¹⁰Mwa tū ejacōri sēoro mware busi ambea yū. Ito bajiri yū waroto riojua adi papera mware cōa yū. Mwa oca sēoroca yū yitoni yūre cūņi mani Uju. Oca sēobitijaro ĩna, yirocu meje yūre cūņi ĩ. Ito bajiri mwa tū ejacōri mwa oca sēoroca yi amoa yū.

¹¹Itocō uca yū ñarā yū mware. Queno ñaña mwa. Cristo ĩ amoro bajiro riti yiya mwa. Yū mware gotirise tuorūņña. Sigūre bajiro tuoicōri ñaña

mua. Oca ñaja itire quenoña. Ito bajiro mua yija, muare ti maicõri mua rãca ñatĩñagũ yiguĩji Dios. Ito yicõri mua ya usijũ queno mua wanũ quenaroca yigũ yiguĩji ñ. ¹²Cristore tuorũnrã ñari queno wanũre rãca gãmeri seniña ñasotiya mua. ¹³Ado gãna Cristore tuorũnrã, “Quenajaro”, yi ñucama muare.

¹⁴“Ñare queno yiya Cristo mũ”, yirocũ muare yiari mani Ujũ Jesucristore senia yũ. “Ñare maiña Dios mũ, ito yicõri ñna rãca ñaña Espiritu Santo mũ”, yi seni ñisotia yũ ñarã yũ, mua jeyarore yiari. Itocõ ña.